

PAULO LIWAKATETIGI GAALATATEDI

Galácia one iiḡo aneledi oiḡe romaanotedi. One-liodi lapoli loiḡi Cristo mijoataḡa owidi nigotadi Galácia. Liwigotigi niḡicoa nigotadi, ani aca Antioquia da Pisídia, Derbe, Listra, ajaa Icônio. (Awiniteloco Atos 15). Eliodi oko ane loiḡi Goniotagodi aona judeutedi, pida onica judeutedi anoditiḡi me daḡa dibateteḡe Aneotedoḡoji nige doḡodioteci ijoatawece ane lakataḡa judeutedi.

Paulo ḡonitiadi lotaḡa me dakapeteḡe niḡicoa niḡaxinaḡaneḡeco ane deḡewiteda, codaa yalomeḡe niḡidi oko anodioteci niḡicoa niḡaxinaḡaneḡeco ane diḡica ane jaḡate. Codaa yalaḡata Abraão, ane nelokodi judeutedi, anodaagee me nakato Aneotedoḡoji, odaa leeḡodi eliwaḡatakaneḡegi Abraão, odaa Aneotedoḡoji ja dibateteḡe. Abraão akaaḡijo me yewiḡa maleediḡicatibige Moisés daḡa iditedini liḡenatakaneeḡeco Aneotedoḡoji codaa ane lakataḡa judeutedi. Paulo mee niḡina oko anonakato Goniotagodi me daḡadiaa liotagi niḡijoa lakataḡa laxokodi judeutedi. Paulo aaḡaḡa yalaḡata niḡinoa ane loenataka niḡina oko anodioteci laaleḡena lidaḡataka ane beyagi, codaa aaḡaḡa yalaḡata anigota Aneotedoḡoji Liwigo niḡina oko baanogonakato Goniotagodi.

*Paulo yecoaditibige ica niḡeladimigipitigi
niḡotedi Galácia*

¹ Ee, Paulo, jidi naḡadi iwakate notaḡanaḡaxi. Ee liḡexegi Jesus Cristo, codaa me Aneotedoḡoji Godiodi, aneote Jesus me yewiḡatace niḡijo me yeleo. Aḡoko anetidiolate, codaa aḡoko anetidiḡe me jibatema Aneotedoḡoji. ² Ee inaa inatawece ḡonioxadipi aninaa digoina meetaḡa ḡodecoaditibige lapoli loiigi Aneotedoḡoji ane liḡeladi niḡotedi Galácia. ³ Jemaanaḡa Aneotedoḡoji, Godiodi, codaa me Goniotagodi Jesus Cristo midioka limedi meliodi mowote aneletaḡadomi, codaa mowote ḡadaalegenali mele. ⁴ Jesus ijaa dinajigo me yeleotetema ḡobeyaceḡeco, eote me ḡodiwoko nakataḡa ane beyagi aninoa niḡina iḡo. Leeḡodi joaniḡidaa ane yemaa Aneotedoḡoji Godiodi. ⁵ Odaa jemaanaḡa niḡina oko midioka limedi modoḡetetalo Aneotedoḡoji. Odaa jiḡidaaḡee. (Amém.)

Aḡicoa eletidi nibodicetedi anele ane icoḡotedicogi miniwataḡa Aneotedoḡoji, pida jiḡinokinoateda niḡinoa ane jatematiiḡatedibece

⁶ Gadopootiwaji niḡica me age mikanitedice Aneotedoḡoji aneniditedaḡawa. Leeḡodi Cristo eliodi meletedaḡadomitiwaji, odaa Aneotedoḡoji eniditedaḡawa makaami nepilidi. Pida jiḡiwaḡatitiwajieledi natematigo anodi niḡina oko me icoḡotigi miniwataḡa Aneotedoḡoji. ⁷ Pida anewi, aḡicoa eletidi nibodicetedi anele ane icoḡotedicogi miniwataḡa Aneotedoḡoji. Pida inatibece oko anetiḡadigiwocitice, codaa odoletibige moiigi niḡinoa nibodicetedi anele anoditece Cristo. ⁸ Pida deḡejinaḡateceeledi natematigo, oḡoa domiḡetaḡa aanjo ane

icogotibigimece ditibigimedi daɗa eetece natematigo ane daɗa liciaco nibodicetedi anele baaneɗejinaɗatece, Aneotedoɗoji eote midioka limedi me nawikodeega niɗina oko aneetece eledi natematigo, codaa domigokomoɗoko, oɗoa domige aanjo, pida idokee me ɗodiloikatidi. ⁹ Ejinaɗatacaɗawa niɗijo baaneɗejinaɗataɗawatiwaji. Diɗica okanicodaagica oko ane yatematitaɗawatiwaji eledi natematigo ane daɗa liciagi niɗijo natematigo anele baanaɗa abaatege, Aneotedoɗoji iloikatidi niɗica oko nigepaa ganigicatibige.

¹⁰ Dawice me ɗadotaɗanegenitiwaji igaataɗa ajoletibige me jocaɗata oko. Pida joletibige me jao Aneotedoɗoji ane yemaa, oɗaa ninitedibece. Ajoletibige daɗa jocaɗata oko, igaataɗa daɗa joletibige me jocaɗata oko, oɗaa agoteɗee liotagi Cristo.

Anodaagɗee Aneotedoɗoji me iolatedice Paulo me liigexegi

¹¹ Inioxadipi, jelogoditedaɗawa niɗinoa nibodicetedi anele, niɗinoa ane jatematitedibece, aɗica aneetege lowoko niɗina oko. ¹² Igaataɗa aɗoko ane najigotiwa niɗida natematigo anele, codaa aɗica ane idiigaxitece niɗinoa nibodicetedi anele. Pida Jesus Cristo jiniaaginiwa ane nikeetediwa niɗida natematigo.

¹³ Niɗida makaamitiwaji jaɗajipaatebece ane yoenataka niɗijo malee jioteci lakatigi judeutedi. Eliodi me jiatetibeci Aneotedoɗoji loiigi, codaa aɗica daɗa jiwikode. Inoatawece jaote me domaga jaagadi niɗidi noiigi. ¹⁴ Owidi eletidi lionekadi

ane inaḡaxatologo me jioteci ane lakatigi yoiigi judeutedi. Codaa eliodi me idinoniciwaḡadi me jotete liiḡaxinaḡaneḡeco yaamipi.

¹⁵ Pida Aneotedoḡoji idiomaḡaditedice me ee liiḡexegi malee idejote catiwedi le eido. Odaa leeḡodi meliodi me idiwikode, jegeniditediwa me jiotece. ¹⁶ Aneotedoḡoji ninitedibece me yakadi me nikeetediwa Lionigi, eotedibige me jatematitedibece nibodicetedi anele anoditece Jesus, liwigotigi eletidi noiigi ane daḡa judeutedi. Niḡijo Aneotedoḡoji naḡa nikeetediwa Lionigi, ajoletibige eledi oko deḡetidiḡaxi. ¹⁷ Codaa aḡejigo nigotaḡa Jerusalém daḡa jakapetege niḡijo oko baanaḡa liiḡexedi Aneotedoḡoji maleediḡicatibige meniditediwa. Pida aḡica daḡa idinopaḡadi odaa jeḡejigo nipodigi Arábia, niḡidiaaḡidi ja jopitacicogi nigotaḡa Damasco. ¹⁸ Naḡa ixomaḡatedijo itoatadiḡida nicaaḡape, odaa jeḡejigo nigotaḡa Jerusalém, domeḡejigo joletibige me jowoḡodi Pedro. Idiaaḡejote manitaḡa nigotaḡa ciinze nokododi. ¹⁹ Pida aḡica jinadi otḡinitece eledi liiḡexegi Goniotaḡodi, onijoteci me jinadi niḡijo anodita Tiago, nioxoa Goniotaḡodi.

²⁰ Digawinitiwaji! Eji lodoe Aneotedoḡoji me daḡa jiwitaka. ²¹ Niḡijo naḡa idoditicogi Jerusalém, odaa jeḡejigo nipodaḡa Síria aniaa Cilícia. ²² Icoa lapoli loiigi Cristo ane idei nipodigi Judéia aniḡica deḡetidowoḡodi. ²³ Niḡidi noiigi idokida mowajipa moditibece, “Niḡijo anijo me ḡodiatetibece, natigide jona yatematitedibece nibodicetedi anele anoditece Cristo. Jotigide geme

domaḡa yemaa me yaaḡadi niḡinoa nibodicetedi anele.”²⁴ Odaa niḡidi noiigi odoḡetetalo Aneotedoḡoji leeḡodi anodaḡigotediwa me idiigi.

2

Paulo idiaaḡeletidi liiḡexedi Aneotedoḡoji

¹ Naḡa ixomaḡatediḡo 14 nicaaḡape, odaa jeḡejigotace nigotaḡa Jerusalém ixigaḡawa Barnabé. Ijaa Titoeledi jadeegi.² Ejigo Jerusalém leeḡodi Aneotedoḡoji nikeetediwa me leeditibige mejigo. Neḡejoticogi digoida, odaa ijoka jatecoḡojogoteḡe niḡijoa lacilodi loiigi Aneotedoḡoji. Odaa ja jeloḡoditiogi ane diitigi ane ḡodatematigo, niḡijoa nibodicetedi anele ane jeloḡoditedibece miditaḡa noiigi ane daḡa judeutedi. Ibakedi baanaḡa jao codaa eḡidaaḡejatigi me jao, ajemaa daḡa atooa niḡida ibakedi.³ Tito ixigaḡawa. Odaa idaaḡida me loiigi greegotedi, pida aḡoiedeḡe niḡijoa lacilodi me yakagidi lolaadi ane lakatigi judeutedi moikee me nepilidi Aneotedoḡoji.⁴ Pida idi oko anokowo moyiwaḡadi Goniotaḡodi. Niḡidi oko codaḡidi naḡa dakatiobece anei me jatecoḡojogo, domoḡoyemaa moyowoḡodi domiḡewi daḡadiaa jiwaḡatece ane lakataḡa judeutedi, codaa domoḡoyemaa moyowoḡodi miḡe jiiḡaxinaḡanaḡatece me jakataḡa me jikanaga niḡijoa lakataḡa leeḡodi me ḡodexogoteḡe Jesus Cristo. Codaa domoḡoyemaa metiḡodiedeḡe mejiwaḡatacece niḡijoa lakataḡa, odaa joaniḡidaa taḡa jopilaḡataceḡe moko niotaḡipi niḡijoa lakataḡa.⁵ Pida aḡodiwoditema, oteḡexaḡaḡa

onateciḡica, jaotibige akaamitiwaji midokee makati majipaata, codaa me iwaḡati nibodicetedi anele anewi.

⁶ Odaa idiwa ijoa ane odiniciaceeketege niḡidiwa ḡodacilodi, pida aḡica jaote daḡa jowoḡodi ganigidi, igaataḡa Aneotedoḡoji aniwitedi oko aiwi ane latopaco oko, pida iwi anee. Aḡica oko deḡetidiḡaxitece gaantiḡida gela yowoogo miditaḡa. ⁷ Pida onadi Aneotedoḡoji naḡa najigotediwa inaḡatetigi me jeloḡoditedibece nibodicetedi anele minataḡa noiigi ane daḡa judeutedi, digo mijotaḡa Pedro me yajigote naḡatetigi me yeloḡoditedibece nibodicetedi anele miditaḡa judeutedi. ⁸ Igaataḡa Aneotedoḡoji najigotediwa loniciwaḡa me ee liḡexegi minataḡa noiigi ane daḡa judeutedi, digo mijotaḡa Pedro me yajigote loniciwaḡa me liḡexegi miditaḡa judeutedi. ⁹ Tiago, Pedro ijaa João, anododigota niḡina eledi oko micataḡa daḡa ḡodacilodi, niḡidi iniwatadiḡini noḡoyowoḡodi Aneotedoḡoji me najigotediwa niḡida ibakedi ḡoneḡegi, odaa joḡodibatoḡogi ee ijaa Barnabé moiḡee moniwoditoḡodomi. Okotawece ḡodiwoditema mele me ḡobakadi liwigotigi noiigi ane daḡa judeutedi, idiḡidi baḡa libakadi miditaḡa judeutedi. ¹⁰ Niḡidi iniwatadiḡini liḡexedi Goniotagodi idokida monipokotoḡowa me jaxawanaga niḡinoa madewetedi anidi liwigotigi Aneotedoḡoji loiigi digoida nigotaḡa Jerusalém. Joaniḡidaa me idinoniciwaḡataḡa me jaoḡate anonipokotoḡowa.

Paulo diojotece Pedro manitağa nigotağa Antioquia

¹¹ Niğijo Pedro migo dalita nigotağa Antioquia, jiojotece lodoe loigi Aneotedoğoji, leegodi me dibatá. ¹² Igaatağa niğijo neğeno, ligiiwepoditibece niğijo anoyiwağadi Goniotagodi ane dağa judeutedi. Pida niğijo neğenotibeci niğijoa goneleegiwadi ane niğe Tiago, odaa Pedro ja yototicoace niğijo anoyiwağadi Goniotagodi ane dağa judeutedi, odaa ağalee ligiiwepodi, igaatağa niğinoa judeutedi aliigiwepodi niğina ane dağa judeutedi. Odaa ja dinogaticice leegodi doitiogi niğijo anoiedege niğina ane dağa judeutedi me leeditibige moyakagidi lolaadi, ane lakatigi judeutedi, moikee me nepilidi Aneotedoğoji. ¹³ Codaa ijoa eletidi anoyiwağadi Goniotagodi ane judeutedi ağaca laaleğena, odaa joğowo liciagi Pedro. Codaa me Barnabé owo mağaga dioteci anowo. ¹⁴ Odaa niğijo nağa jinadi me degewi modioteci naigi anewi icoa nibodicetedi anele, ane icoğotibigimece miniwatağa Aneotedoğoji, odaa mejita Pedro lodoe ijotawece niğijo oko, “Akaami judeu, pida jigikani me iwitece ane lakatağa judeutedi, odaa jigiwitece anodağee niğina ane dağa judeutedi. Enige, igaamee ina memaani me iedeğeni ina ane dağa judeutedi modioteci ane lakatağa judeutedi?”

Aneotedoğoji icota meote me newiğatace judeutedi, inaağina ane dağa judeutedi, leegodi monakato Jesus

¹⁵ Me janiigatini noğoko noiigi judeutedi, Aneotedoğoji ane iomağaditedice, ağica

anejinaḡatege eledi noiigi ane diḡicoateda miditaḡa liiḡenatakanegeco Aneotedoḡoji ane iditedini Moisés. ¹⁶ Pida jiḡidaagee oko judeutedi, jowoḡotaḡa Aneotedoḡoji me daḡa yakaditeda oko me iḡenaga daḡa leegodi me yotete lajoinaḡaneḡeco Moisés, pida leegodi me jinakatonaga Jesus Cristo. Joanigidaa leegodi okomogoko judeutedi me jinakatonaga Jesus Cristo, jaogatiḡibe Aneotedoḡoji me yakadi me ḡodeḡenaga leegodi me jinakatonaga Cristo. Aḡalee joleegatiḡibe Aneotedoḡoji me yakadi me ḡodeḡenaga, leegodi me jotetenaga lajoinaḡaneḡeco Moisés. Igaataḡa Aneotedoḡoji aḡica ane yakadi me iḡenaga daḡa leegodi me yotete lajoinaḡaneḡeco Moisés. ¹⁷ Niḡina me joleegatiḡibe Aneotedoḡoji me yakadi me ḡodeḡenaga leegodi me ḡodexogotege Cristo, ja jikeenaga moko abeyacaḡaḡa digo minataga niḡina ane daḡa judeutedi. Pida domige niḡidaa leegodi, Cristo meote me jaoga ane beyagi? Odaa aniḡidaagee! ¹⁸ Pida micataḡa niḡina oko ane yaagadi ligeladi, odaa niḡidiaagidi ja dabitegetacini ijaagijo niḡijo diimigi. Eote niḡijo aneetini. Joanigidaageji naga jika me joletibiḡe me ideḡenaga leegodi me jioḡete niḡijoa liiḡenatakanegeco Aneotedoḡoji, iḡaataḡa niḡidiwa niḡenatakanegeco onikeetaciwa me ee abeyaceḡegi, codaa Aneotedoḡoji me daḡa yakaditeda me ideḡenaga. Diḡidiaagidi daḡa joletaciḡibe Aneotedoḡoji me yakadi me ideḡenaga leegodi me jotete liiḡenatakanegeco Aneotedoḡoji, odaa ja jikeetace me ee

abeyacegegi, me digica ananiigitici. ¹⁹ Odaa leegodi nigidiwa niigenatakanegeco monikeetiwa me ee abeyacegegi, odaa micataga degetideloadi nigidiwa niigenatakanegeco. Odaa agalee joletibige daga yakadi Aneotedofoji me idegenaga leegodi me jotete niigenatakanegeco, codaa agaleegetidiige nigidiwa niigenatakanegeco. Odaa joanigidaa me jakadi me idewigatema miniokiniwateda Aneotedofoji, codaa miniokiniwateda me idiige. ²⁰ Micataga daga yemaḡawa Cristo madataga nicenaganagate, codaa micataga daaditaḡalee idewiḡa. Pida ja idewiḡatace leegodi me yewiḡatediloco Cristo. Odaa anodaageji me idewiḡa maleegejoteloco niḡina yolaadi, joanigidaa aneji me idewiḡa niḡijo ane najigotediwa Cristo leegodi me jinakato Niḡiniaaginiwa, Lionigi Aneotedofoji. Idemaa codaa ja dinajigo me yeletedomi. ²¹ Joanigidaagee aḡica daga jiligoditice Aneotedofoji aneotedomi, ane daḡaxa mele. Pida Aneotedofoji nige dibatetege oko leegodi me yotete lajoinaganegeco Moisés, odaa amica jaḡa Cristo me yeletedoḡodomi.

3

Domige me jotetenaga lajoinaganegeco Moisés, odaa Aneotedofoji ja yakadi me ḡodeḡenaga, oḡoa domige me jinakatonaga Goniotaḡodi?

¹ Anakaami Gaalatatedi. Niḡida makaamitiwaji ja ḡadiciagi micataga niḡina yetoliwaga! Domigica ane ḡadoxitiwaji meotibige me daḡadiaaḡiwagati anewi? Ja jikeenagaḡawatiwaji codaa me jaḡa

me iŕenaga me jelogotaŕataŕawa anodaagee Jesus Cristo me yeletedeloco nicenaganagate.

² Jemaa manalakitibigetiawaji Aneotedoŕoji me daŕa yajigotedaŕawa Liwigo daŕa leegodi moteteni lajoinaganegeco Moisés, pida leegodi me iwagati nibodicetedi anele anoditece Cristo.

³ Niŕida makaamitiwaji ŕadiciagi micataŕa oko yetole, igaataŕa madinojocitini me ŕadewikitema gela ŕadewiga me oniteloco loniciwaga Aneotedoŕoji Liwigo, pida natigide jegemaani mopilitaceloco me ŕadewiki, mabakeni akamaŕa ŕadoniciwaga.

⁴ Owidi anixomaŕateenitedijotiwaji ŕadawikodico leegodi manakatoni Goniotagodi. Mige naŕatooa ijoatawece ijoa ŕadawikodico?

⁵ Niŕina Aneotedoŕoji me yajigotedaŕawa Liwigo codaa niŕina meote ŕodoxiceŕetedi ŕadiwigotigitiwaji, domigeote leegodi ina me iwitece lajoinaganegeco Moisés? Aniŕidaagee. Pida eote inoatawece leegodi majipaatalotiwaji codaa me iwagati nibodicetedi anele anoditece Cristo.

⁶ Lotaganagaŕaxi Aneotedoŕoji yalaŕata ŕonelokodi Abraão, niŕijo mee,

“Abraão nakato Aneotedoŕoji, joaniŕidaa leegodi Aneotedoŕoji me dibatetege

Abraão
micataŕa oko ane iŕenaga.”

⁷ Enice leeditibige mowoŕotitiwaji, inatawece anonakato Goniotagodi, joaniŕidiaagidi beŕewi mida aneetege licogegi Abraão.

⁸ Aniŕicatibige Aneotedoŕoji daŕa dibatetege niŕina ane daŕa judeutedi, neŕee Aneotedoŕoji lotaganagaŕaxi me dibatetege niŕina ane daŕa judeutedi leegodi

monakato. Igaataga digo ane diniditeloco nağadi notaganagaxi, Aneotedoğoji yatematite Abraão nibodicetedi anele niğijo jotigide, negeeteta, “Gadibakeni me jibinie inatawece noiigi niğina liğo.”

⁹ Aneotedoğoji ibinie Abraão leegodi midioka limedi me nakato. Odaa jiğidaağigotediogi Aneotedoğoji me ibinie inatawece niğina anonakato.

¹⁰ Pida niğina oko anodoletibige me dibatetege Aneotedoğoji leegodi moyotete lajoinaganegeco Moisés, niğidi oko Aneotedoğoji etacidetetece. Igaataga lotaganagaxi Aneotedoğoji mee, “Aneotedoğoji etacidetetece inatawece oko ane diğidioka limedi mowote idiwatawece ane liigenatakanegegi notaganagaxi aneite lajoinaganegeco Moisés.” ¹¹ Pida jowoogotaga Aneotedoğoji me diğica ane dibatetege micataga dağa iğenaga leegodi me yotete lajoinaganegeco Moisés. Igaataga Aneotedoğoji lotaganagaxi mee, “Aneotedoğoji dibatetege oko leegodi me nakato, odaa niğijo oko idiokaanaga limedi me yewiğa.”

¹² Pida niğina oko anidioka limedi me doletibige me yotete lajoinaganegeco Moisés, niğini oko ali-ciagi niğijoeledi oko anepaga nakato Goniotagodi. Igaataga niğini oko doletibige midioka limedi me yewiğa leegodi me yotete najoinaganegeco, aneeta lotaganagaxi Aneotedoğoji, “Niğina oko anidioka limedi meote ane liigenatakanegegi lajoinaganegeco Moisés, niğini oko idioka limedi me yewiğa.”

¹³ Oko nilaagetedipi leegodi me dağa jakataga me jotetenaga ijoatawece lajoinaganegeco

Aneotedoꝑoji ane iditedini Moisés. Pida Cristo ja noꝑa moko nilaagetedipi niꝑijo me dawikode me domegetiꝑodiloikatidi, niꝑijo noꝑoyototedeloco nicanaganagate, oada ja yeletedoꝑodomi. Igaataꝑa mee Aneotedoꝑoji lotaganagaꝑi,
 “Niꝑica oko anoyototi midataꝑa iwoꝑo,
 Aneotedoꝑoji laagedi.”

¹⁴ Jesus Cristo ja yaꝑadi moko nilaagetedipi eotedibige micotece niꝑijoa Aneotedoꝑoji lotaꝑate Abraão me ibinie eletidi noiigi ane daꝑa judeutedi. Leeꝑodi Jesus Cristo me yaꝑadi mokotawece oko nilaagetedipi, Aneotedoꝑoji ibinie noiigi, co-
 daa eleditace mee me yakadi me najigotedoꝑowa Liwigo niꝑina ane jinakatonaga Cristo, leeꝑodi akaaꝑida me ligegi.

*Lajoinaganageco Moisés icaꝑica Aneotedoꝑoji
 ane ligegi meote*

¹⁵ Inioxadipi, jao ane jiciaceeketege niꝑina oko me dinilakidetiwage. Niꝑina oko me dinilakidetiwage, oiditedini liboonagaꝑedi, oada aꝑaleeꝑica ane yakadi me iigi domigetaga ica ane noꝑa niꝑijo anodinilakidetigi. ¹⁶ Jiꝑidaaꝑee Aneotedoꝑoji ane ligegitetege Abraão icaꝑica ica anida aneetege licoꝑegi Abraão me dinilakidetetege. Aneotedoꝑoji lotaganagaꝑi ikee Aneotedoꝑoji me deꝑetece eliodi oko anida aneetege licoꝑegi Abraão, pida eetetece oniniteci anida aneetege licoꝑegi, ane Cristo. ¹⁷ Jema me jaote niꝑinoa yotaꝑa ane daꝑa dakaketeda mowoꝑotitece. Aneotedoꝑoji eote ligegitetege Abraão me dinilakidetetege, micataꝑa diꝑica lidigo me dinilakidetiwage. Naꝑa

ixomagatedijo 430 nicaagape, odaa Moisés ja iditedini lajoinaganegeco, Aneotedogoji ane iigete me iditedini. Pida niigijoa notaga Moisés ane iditedini ayakadi dogoiigi niigijoa Aneotedogoji ane dinilakidetetege Abraão, otegeexaagaga noŋatice niigijoa ane ligegiteta. ¹⁸ Aneotedogoji meete Abraão me yajigote niigica ane daŋaxa mele. Nige leeditibige niigina oko moyotete lajoinaganegeco Moisés modibatege niigica anele, odaa ametigica jaoga me dinilakidetetege Abraão. Pida ewi Aneotedogoji me yajigote Abraão niigica anele leeŋodi meote ligegitetege, odaa ja dinilakidetetege. Idiŋida aleegotedi lajoinaganegeco Moisés.

¹⁹ Enice, igame leeŋodi Aneotedogoji me iige Moisés me iditedini ijoa liiŋenatakanegeco? Aneotedogoji iige Moisés me iditedini niigijoa liiŋenatakanegeco eotedibige me ikee niigica nibeyacaŋa. Niigijoa niŋenatakanegeco oiike niigica ane yemaa Aneotedogoji, negepaagicota Niigijoa anida aneetege licoŋegi Abraão. Aneotedogoji eote ligegitetege niigijoa anida aneetege licoŋegi Abraão me domaŋa dibatege niigijoa Aneotedogoji ane ligegitetege Abraão me yajigoteta. Niigicoa aanjotedi oyajigota Moisés niigijoa niŋenatakanegeco, Moisés micataŋa daŋa niigina aneo me ilaŋatiwage oko.

²⁰ Baŋa jopoogatiŋibe me yaxawa niigijoa oko ane libakedi meo niigina oko me dinilakidetiwage niigina me idoa itoataale oko ane leeditibige me dinilakidetiwage. Pida Aneotedogoji boŋoniniwatece, odaa ayopotediŋibe eledi oko me yaxawa niigijoa negeote ligegitetege Abraão me

yajigote anele.

Ica ane leegodi Aneotedogoji me iige Moisés me idi lajoinaganegeco

²¹ Domigejinaga inoa lajoinaganegeco Moisés me dogoniwoditema ica ligegitetege Aneotedogoji Abraão? Oniwoditema! Igaataga daga yajigo Aneotedogoji niigenatakanegegi mida loniciwaga meote oko me newigatace, Aneotedogoji taga yakadi nigina oko me igenagatibigiwaji leegodi moyotete liigenatakanegeco. ²² Pida lotaganagaxi Aneotedogoji ikee niginoa nibeyacegeco mida loniciwagateloco inatawece oko, micataga daga liwilogojedipi. Pida joanigidaa Aneotedogoji me yakadi me yajigotediogi inatawece oko anoyiwagadi nigijo ane ligegi yajigotediogi leegodi monakato Jesus Cristo.

²³ Aniigicatibige Cristo degenagi meote oko moyakadi monakato, icoa lajoinaganegeco Moisés owote micataga dogoko liwilogojedipi catiwedi niwilogonagaxi negepaa ikee Aneotedogoji anodaagee nigina oko moyakadi monakato. ²⁴ Icoa lajoinaganegeco Moisés one micataga nigina ane jilokagateloco ane doweditogoloco, codaa me ni-keetogowa naigi anewi eotibige Aneotedogoji me yakadi moko ane igenaga leegodi me jinakatonaga Cristo nigidiaagidi negenagi. ²⁵ Natigide nigijoa lajoinaganegeco Moisés ane liciagi nigina ane jilokagateloco agalee doweditogoloco, igaataga Aneotedogoji ja yakadi me godegenaga leegodi me jinakatonaga Cristo.

²⁶ Igaataga akaamitawecetiwaji akaami lionigipi Aneotedogoji leegodi manakatoni

Jesus Cristo. ²⁷ Igaataḡa niḡijo naḡa adinilegeni me Liboonagadi Cristo, oḡaa jiḡikeeni naḡa ḡadexociteḡetiwaḡi Cristo, codaa jaḡadiniigi me ḡadiciagi digo mijoataḡa anee. ²⁸ Oḡaa aḡica iomiḡigi, okotawece oko diniciamico inoa judeutedi inaaḡina ane daḡa judeutedi, ina niotagipi inaaḡina ane daḡa niotagipi, inoa ḡoneleegiwaḡi codaa me iwaalepodi, inatawece diniciamico leeḡodi moyexogoteḡe Cristo, micataḡa doḡokinitece oko. ²⁹ Oḡaa leeḡodi mida aneniteḡe Cristo, niḡida makaamitiwaḡi jiḡida aneniteḡe licogegi Abraão, codaa aḡaḡa yaḡigotedaḡawatiwaḡi Aneotedoḡoji niḡijo ane ligegi me yaḡigotediogi niḡijo anida aneeteḡe licogegi Abraão.

4

¹ Ejemaa me jeloḡoditaḡawatiwaḡi anodaa di-itigilo niḡinoa yotaḡa. Micataḡa niḡina nionigi anicota me dibateḡe inoatawece ane nepilidi niḡina naḡa yeleo eliodi. Niḡijo lionigi malee nigaanigi, niḡijo eliodi idigota liciagi anigotiogi liotaka, idaagee micota me dibateḡe ane nepilidi nigicota me ḡoneleegiwa. ² Niḡijo eniodi eote oko ane yowie nigaanigi codaa me dowediteloco, codaa aneote eledi oko ane doweditelogo niḡica ane nepilidi nigepaaḡicota niḡica noko ane nibikota eliodi niḡijo nigaanigi nige daḡadiaa leeditibige mini oko ane dowediteloco. ³ Niḡijo jotigide ḡodiciagi niḡijo nigaanigawaanigi. Niḡinoa niwicidi ane niigenatakanaga aninoa niḡina iḡo etiḡodiḡe micataḡa doḡoko liotagipi. ⁴ Pida niḡicota niḡijo noko ane nibikota Aneotedoḡoji,

odaa ja niwakatee epaa Lionigi. Enitedini me liciagi okanicodaagica nigaanigawaanigi, enitedini me loiigi judeutedi, noiigi anidiwa miditaga icoa lajoinaganegeco Moisés. ⁵ Joanigidaagee dinanatibige moko eotedibige me yakadi me yeditedeloco gobeyacegeco, oko ane jotetenaga lajoinaganegeco Moisés, eotedibige Aneotedogoji me yakadi me dibatedogogi micataga moko lionigipi.

⁶ Odaa leegodi makaami lionigipi Aneotedogoji, ja niwakateetedibigagaji Liwigo me digeladetiwece catiwedi gadaalegenali. Liwigo aneitiwece catiwedi gadaalegena dapaawetibige, meetalo, “Eiodi, Eiodi yemaanigi!” ⁷ Odaa leegodi Cristo aneote, agaleegakaami niotagipi, pida akaami nionigipi. Odaa leegodi makaami lionigipi, Aneotedogoji yajigotedagawa inoatawece anele ane yajigotediogi lionaga.

Paulo igecaage Gaalatatedi

⁸ Niñijo jotigide agicoa mowooḡotitetiwaji Aneotedogoji. Codaa akaamitiwaji liotaka niwicidi abeyacagaga. ⁹ Pida natigide joḡowoḡotitetiwaji Aneotedogoji. Oḡoa domigetaga enegegi igenaga meji Aneotedogoji бага gadowoḡotitetiwaji. Enice, igame leegodi me domeḡemaanitiwaji mopilitacege makaami liotaka niwicidi abeyacagaga ijaagijoa gadakataga laxokodi ane digica loniciwaga? ¹⁰ Motetenitiwaji noko eliodi, codaa me nokododi me gela epenai, codaa inoa nalokeco ane daga nigotedini, codaa me niḡinoa nicaagape inoa gadakataga laxokodi anoiḡetaḡawa moteteni. ¹¹ Eliodi

me yaaditibigaḡajitiwaji. Nalaḡatigi daḡa atooa ijoatawece niḡijoa ibakedi ane jaote me ḡadaxawanitiwaji.

¹² Inioxadipi, jipokotaḡawatiwaji manowik-itiwa digo aneji me idewiḡa. Iḡaataḡa ja idiniciaceeketaḡaḡitiwaji ane daḡa akaamita judeutedi. Codaa niḡida makaamitiwaji aḡica daḡawii ane beyaḡitomi. ¹³ Owoḡotitiwaji niḡijo maleekoka idinojogotini me jatematitedibece nibodicetedi anele anoditece Cristo, idiaaḡejote makaamitaḡatiwaji leeḡodi me jeelotika. ¹⁴ Pida aḡakatitiwaji daaditiḡica iniwaló, pida abaatigi, idaaḡee mida yeelotagi ane dakaketaḡadomi. Odaa jaḡabaatigi micataḡa deḡee niaanjo Aneotedoḡoji, codaa mabaatigi micataḡa daḡabaateḡe Jesus Cristo. ¹⁵ Codaa eliodi maniniitibecitiwaji. Natigide, iḡaamenitiwaji ina me daḡadiaaḡaniniitibeci ee leeḡodi? Jakadi meji naḡa ḡadigomitiwaji niḡijo jotigide manoḡaa akamaḡa ḡaḡecoḡe manajicitiwa, daḡa leeditibige midaaḡemiitiwa madaxawani. ¹⁶ Natigide, manigicaa jao me ee ḡadaxakawa leeḡodi me jeloḡoditaḡawatiwaji anewi?

¹⁷ Niḡijo anetiḡadiiḡaxinitecetiwaji ane deḡewi, niḡijo oko dinoniciwaḡaditibigiwaji mowote me ḡadokaaḡetedipi, pida aḡidiḡida doḡowote aneletaḡadomi. Idokoyemaa me iwitecetiwaji, odaa aḡaleeḡaniwitici. ¹⁸ Pida ele me idinoniciwaḡadi me jaote makaami yokaḡetedipi iḡaataḡa jemaa me jao aneletaḡadomi. Idioka limedi mewi me idinoniciwaḡadi digoina aḡinokina me ee makaamitaḡatiwaji. ¹⁹ Akaami

ionigipi yemaanigipi! Joaniḡidaa leegodi meliodi me yaaditibigaḡaji, ja jawikodetace, macataḡa naḡana ḡodiodo naḡa dawikodetace me ilee le me dinigaje. Jawikode nigepaaḡicotatiwaji made enitiwaji digo mijoataḡa Cristo anodaḡeeteda.²⁰ Eliodi me domaga jema me idejo makaamitawaji naḡani lakata daḡanagawinieledi aneḡigotaḡawa me ḡadotaḡaneḡenitiniwace, me daḡa jiojotaḡadici. Igaataḡa eliodi me yaaditibigaḡajitiwaji, codaa ajowoḡodi niḡica aneḡigotaḡawatiwaji me ḡadaxawani.

Ica anoiciaceeketege Agar ajaa Sara

²¹ Akaamitiwaji anemaani moteteni lajoinaḡaneḡeco Moisés, anelogotitiwa! Aḡica majipaatawaji aneeta Aneotedoḡoji lotaḡanaḡaxi anidiwa najoinaḡaneḡeco? Ejitibige ina noḡowoḡotitiwaji.²² Naḡajo notaḡanaḡaxi ikee Abraão mijoa iniwataale lionaḡa. Onica lionigitege aca iwaalo ane liboonagaḡadi Agar ane liota naḡajo baḡa lodawa. Icaeledi bogone lionigitege naḡajo baḡa lodawa ane daḡa niota, ane liboonagaḡadi Sara.²³ Niḡijo lionigitege naḡajo iwaalo ane niota enitini me liciagi okanicodaḡica nigaanigi. Pida niḡica lionigitege naḡajo ane daḡa niota joaniḡiniaḡini ane enitini leegodi Aneotedoḡoji me ligegi micota menitini, enitini leegodi Aneotedoḡoji yajigoteta loniciwaga naḡajo eliido idaḡida naḡa daḡaxa mopake.²⁴ Niḡida natematigo ida ane niitigi. Niḡidi iniwataale iwaalepodi oiciaceeketege niḡicoa itoataale anigote Aneotedoḡoji me dinilakidetetege oko. Agar liciagi niḡijo oxiiḡodi

anee Aneotedoꝓoji me dinilakidetetege oko, aneote digoida maditaꝓa wetiꝓa anodita me Sinai, nipodigi Arábia. Niꝓiꝓo lionigi Agar micataꝓa niotagi. Joanigidaagee niꝓina oko ane yotete niꝓiꝓo oxiiꝓodi anee modinilakidetetege Aneotedoꝓoji, niꝓidi oko micataꝓa daꝓa liotagipi niꝓiꝓoa niꝓenatakanegeco. ²⁵ Enice naꝓaꝓo Agar niitigi me liciagi niꝓica oxiiꝓodi anee niꝓina oko modinilakidetetege Aneotedoꝓoji, aneote Aneotedoꝓoji digoida maditaꝓa wetiꝓa anodita Sinai. Agar eledi oiciaceeketege nigotaꝓa Jerusalém, igaataꝓa niꝓiꝓo niꝓeladimigipitigi naꝓani nigotaꝓa oyotete niꝓica oxiiꝓodi anee Aneotedoꝓoji me dinilakidetetege oko, oada niꝓidi niꝓeladimigipi oiciaceeketege daꝓa liotagipi lajoinaꝓaneꝓeco Moisés, igaataꝓa niꝓiꝓoa lajoinaꝓaneꝓeco oiꝓe lewiꝓa. ²⁶ Pida Sara ane daꝓa niota, boꝓoiciaceeketege niꝓida gela nimaweneꝓegi Aneotedoꝓoji me dinilakidetetege oko, codaa me liciagi aca nigotaꝓa digoida ditibigimedi, aca gela Jerusalém. Odaa okotawece anida anejinaꝓatege Cristo joꝓokomoꝓoko niꝓica niꝓeladimigipitigi naꝓaca gela nigotaꝓa, oada aꝓodiciagi niotagipi, igaataꝓa aꝓetiꝓodiꝓe lajoinaꝓaneꝓeco Moisés. ²⁷ Igaataꝓa lotaꝓanaꝓaxi Aneotedoꝓoji mee,

“Akaami,

iwaalo ane diꝓicata manigajee,

aniniitibeci!

Codaa akaami,

ane diꝓicata mileeni ꝓadionigi,

apaawe maniniitibeci!

Igaataga naḡani iwaalo ane daḡadiaaḡoniwita icota mepoḡowidi lionaga caticedi naḡajo iwaalo anepaga niwita niḡijo lodawa.”

²⁸ Inioxoadipi, oko lionigipi Aneotedoḡoji leeḡodi Aneotedoḡoji meote ligegitedoḡoji, digo mijotaḡa Isaque ane lionigi Sara menitini leeḡodi Aneotedoḡoji meote ligegitetege Abraão micota menitini. ²⁹ Niḡijo jotigide niḡijo lionigi Agar anenitini me liciagi okanicodaagica nigaanigi ja iatetibeci niḡijo lionigi Sara anenitini leeḡodi loniciwaga Liwigo Aneotedoḡoji. Joaniḡidaagejinaga niḡina natigide. ³⁰ Pida Aneotedoḡoji lotaganagaxi ikee niḡica Aneotedoḡoji ane iḡeteta Abraão, niḡijo meete, “Amonyaa mopi naḡani iwaalo niota, iniaaḡini niḡini lionigi! Igaataga niḡina lionigi naḡana iwaalo niota ayakadi daḡa yawalace ane nepilidi eliodi daḡa niwaigawa niḡijo lionigi naḡani iwaalo ane daḡa niota.” ³¹ Enice, inioxoadipi, aḡodiciagi lionigipi naḡajo niota, pida ḡodiciagi lionigipi naḡajo iwaalo ane daḡa niota.

5

Oko ane jinakatonaga Cristo aḡodiciagi niḡina oko niotagipi

¹ Cristo eote me daḡadiaa jopoḡatibige me jotetenaga lajoinaḡaneḡeco Moisés me jaḡatibige Aneotedoḡoji me yakadi moko ane iḡenaga. Aḡaleeḡoko niotagipi. Enice atiteteloco ḡatiwaḡatakaneeḡegi, codaa jiniḡiwitece liiḡaxinaḡaneḡeco niḡijo oko anodoletibige

mowotace makaami niotagipi, codaa mowote me iwitece niɣiɣoɣa najoinaɣaneɣeco.

² Digawinitiwaji! Ee Paulo, ejitaɣawatiwaji. Nigakagiti ɣadolaaditiwaji ane lakatigi noiiɣi judeutedi leegodi moyotete lajoinaɣaneɣeco Moisés, oɣaa niɣiɣoɣo Cristo aneotedaɣadomi amica jaogate. ³ Jemaatace me ɣadajoinitiwaji. Niɣiɣoɣo ɣoneleegiwa ane ika moyakagidi lolaadi ane lakatigi judeutedi moyotete lajoinaɣaneɣeco Moisés, leeditibige midioka limedi me yotete idiwatawece najoinaɣaneɣeco, oɣaa ayakadi daɣa dinetetema otigiditece. ⁴ Akaamitiwaji anoletibige Aneotedoɣoji me dibatedaɣagi micataɣa oko ane iɣenaɣa leegodi moteteni lajoinaɣaneɣeco Moisés, niɣida makaamitiwaji jaɣawalacetege Cristo. Oɣaa Aneotedoɣoji aɣalee yakadi meotedaɣadomitiwaji icoatawece niɣicoa anele ane domegeotedaɣadomi. ⁵ Pida okomogoko jowoogotaɣa codaa ajawienatakanaga Aneotedoɣoji me yakadi moko oko ane iɣenaɣa leegodi me jinakatonaga Cristo. Oɣaa Liwigo Aneotedoɣoji jiɣiniaageo me jowoogotaɣa, codaa me inibeonagatege Aneotedoɣoji micota me yakadi moko oko ane iɣenaɣa. ⁶ Leegodi niɣina me ɣodexogotege Jesus Cristo, aibeyacaɣadi domige jakagitaga ɣodolaadi ane lakatigi judeutedi, ogoa domige ajakagitaga. Pida ida anenegegi jaogaa niɣina me idinemaanagatiwage leegodi me jinakatonaga Cristo.

⁷ Ja domaga ɣadilakiiticiwaji micataɣa nalokodegecajo baanaga domaga dinigaanye. Amiiɣo ica aneo mikanitiwaji me iwaɣati ijoa

niiḡaxinaganeeḡeco anewi? ⁸ Niḡijo oko aneo mikani me iwagati niḡijoa niiḡaxinaganeeḡeco, aḡAneotedoḡoji. Pida Aneotedoḡoji baaniginiiaa aneniditedaḡawa me iwitece. ⁹ Eliodi moditibece, “Onateciḡini labookojegi eo minitawece leyeema ili.” (Odaa oniniteci oko yakadi me ḡadibeyacaḡati akaamitawecetiwaji.) ¹⁰ Pida leeḡodi me ḡodexogotege Goniotaḡodi, ḡadinakatonitiwaji me daḡawii eledi ḡadowoogo. Pida niḡijo oko ane ḡadigiwocitiwaji, Aneotedoḡoji iloikatidi, aḡica meote daḡa yowoḡodi domige ḡoneḡegi, oḡoa domige aḡoneḡegi.

¹¹ Inioxadipi, modi malee jiiḡaxinagatece ica malee leeditibige niḡinoa ḡoneleegiwadi moyakagidi lolaadi ane lakatigi judeutedi modocaḡatalo Aneotedoḡoji. Niḡidaaḡeji me jiiḡaxinaga, igame leeḡodi inaa maleeḡetidiatetibece? Niḡaleeḡidaaḡeji me jiiḡaxinaga, niḡina mejitece niiḡaxinaganeeḡegi aneetece lemeḡegi Cristo madataḡa nicenanagaḡate, aḡotiḡica ane yelatema yatematigo. ¹² Domaga jemaatibige niḡinoa ḡoneleegiwadi anetiḡadigiwocitiwaji, anetiḡadiiḡeni makagiti ḡadolaadi, domaga jemaa mowote caticedi niḡica ane liiḡenatakaneeḡegi mawii, mepaa dinoga me daḡadiaaḡica lionigi.

¹³ Niḡida makaamitiwaji, inioxadipi, Aneotedoḡoji jeḡeniditedaḡawa me daḡa ḡadiciagi niotaḡipi anodioteci lajoinaganeeḡeco Moisés. Pida jinagaletibige daḡa leeḡodi me daḡa leeditibige moteteni lajoinaganeeḡeco Moisés mocaḡanitalo Aneotedoḡoji, oditaḡa natigide jaḡakatitiwaji mawii okanicodaaḡica ane yemaa

ḡadolaadi mawii. Pida adinaxawanitiwagetiwaji leegodi madinemaanitiwage. ¹⁴ Igaataḡa niḡida makaamitiwaji oteteni inoatawece niḡinoa ane iḡetedaḡawa Aneotedoḡoji, nigoteteni niḡijo liigenatakanegegi anee, “Emaanitiwaji okanicodaaḡica oko anakapetege digo aneni makamaḡa adinemaani.” ¹⁵ Pida adinowetitiwaji, iḡaataḡa niḡawii micoataḡa eijedi ane diojo ane nowacaḡanaḡa anepaa dinanacilotiditiwage, doidetibige makamaḡa adinaaḡatitiwaji.

Icoa okomaḡa ḡodemaanaḡa, icaaḡicoa ane yemaa Liwigo Aneotedoḡoji me jaooḡate

¹⁶ Digawini ane jemaa me igegitaḡawa. Ikani-tiwaji Aneotedoḡoji Liwigo me ḡadajacaḡatitema inoatawece ane oeni, amanagawini aḡawii ane yemaa ḡadolaadi mawii. ¹⁷ Igaataḡa niḡica ane yemaa ḡodolaadi lakapetegi niḡica anaḡaḡa yemaa Aneotedoḡoji Liwigo, codaa niḡica ane yemaa Aneotedoḡoji Liwigo aḡaḡa lakapetegi niḡina ane yemaa ḡodolaadi. Odaa niḡidi iniwataale ailagatiwage, micataḡa daḡa dinaxakawepodi catiwedi ḡodaalegena. Joanigidaa leegodi me daḡa jakataḡa me jaooḡa niḡina anokomaḡa jemaanaḡa. ¹⁸ Pida Liwigo Aneotedoḡoji nige yajacaḡadi niḡinoa ḡadoenataka, odaa niḡida makaamitiwaji aḡaleegakaami liotagipi lajoinaḡanegeco Moisés.

¹⁹ Pida ele me jowoogotaḡa niḡicoa anepaa lemaanaga ḡodolaadi. Niḡina metiḡodiḡe niḡinoa anokomaḡa ḡodemaanaḡa me jaooḡa, owo oko me nigopelooḡetege okanicodaaḡica eledi oko, owote loenatagi ane beyagi, codaa

aḡoyakadi modinajacaḡaditema niḡinoa lakataḡa.
²⁰ Niḡinoa lidaḡataka ḡodolaadi nige iḡe oko,
 niḡini oko doḡetetalo niwicidi noenataka,
 codaa ibake noxikoneḡeḡi. Odaa niḡina
 oko ja dinaxakawamigi, codaa me nidelaḡa.
 Nelokoḡoḡonaga codaa atooa me neligiḡeeḡa,
 codaa oyemaa mepoka oyakadi ganigidi.
 Dinixipeticoace lapotibece me dakapetiwage,
 codaa idioka limedi modoletibige modioteci
 okanicodaagica eledi niḡaxinagaḡeḡi.
²¹ Dinocetiwage, codaa ḡonematagododi.
 Acipaḡaḡa, codaa daḡaxa me lemaanigi nalokegi.
 Owote eletidi loenataka ane beyagi liciaco
 niḡinoa baanogowote. Jiḡijo mejitaḡawatiwaji,
 pida ejitacaḡawa Aneotedoḡoji me daga iḡeteda
 laaleḡenali niḡina oko anidioka limedi mowo
 ane beyagi, codaa aḡoyakadi me ide miniwataḡa
 Aneotedoḡoji.

²² Pida niḡina Aneotedoḡoji Liwigo nige
 ḡodajacaḡadi, odaa eo me idinemaanaḡatiwage,
 codaa ḡodinitibece leeḡodi me jowoḡotaḡa
 Aneotedoḡoji, codaa mele ḡodaaleḡenali.
 Idinatiḡata eledi oko, codaa jiwikodenaga
 eledi oko, codaa me jaḡa aneletema eledi
 oko. Codaa niḡina oko oyakadi metiḡodinakato.
²³ Liwigo Aneotedoḡoji eo moko okaḡaḡa
 niḡina me jilenaḡatibigo eledi oko, codaa eo me
 idinajacaḡataḡatema ane lidaḡataka ḡodolaadi.
 Aḡica niḡenatakaneeḡi ane dakapeteḡe
 Aneotedoḡoji Liwigo aneo catiwedi oko laaleḡena.
²⁴ Odaa niḡina ane nepilidi Cristo, aḡaleeḡoika
 lolaadi me iḡe mowo anepaa yemaa. Pida

ja micataga daga yeleo lolaadi awatege Cristo niḡijo naḡa yeleo madataga nicenaganagate, odaa jiḡidaa niḡinoa lidaḡataka ane beyagi lolaadi, inaḡinoa lowooko ane beyagi, ja ma. ²⁵ Leegodi Liwigo Aneotedoḡoji najigotoḡowa gela ḡodewiḡa. Enice jikanagatece mepaa ḡodajacaḡaditema inoatawece niḡinoa ane jaogate. ²⁶ Odaa aidinanenagatibece, oteḡexaagaga jiweenigenatakanaga, oteḡexaagaga ḡodelokojogo eledi oko.

6

Adinaxawanitiwagetiwaji

¹ Inioxoadipi, nigica ananati ḡanioxoa meote ane beyagi, leeditibige akaamitiwaji, anepaga ḡadajacaḡati Aneotedoḡoji Liwigo, moxoki niḡini oko awii me dopitalo Goniotagodi. Pida nigoxoki awii makaami okaḡegipi niḡina me oxokojogoni, pida adinowetitiwaji adaḡawii liciagi meo ane beyagi. ² Adinaxawanitiwaji nigina mini oko anida ane iwaagaditema, ane micataga diḡidi loyagagi ane iwaagadi. Odaa nigidaageni jogoteteni liḡenatakanegēgi Cristo ane najigotedoḡowa me ḡodiḡe me leeditibige me idinemaanagatiwage. ³ Nigica oko ane diletibige daga daḡaxa me ḡoneḡegi, niḡini epaa dininaale. ⁴ Igaataga oninitecibeci oko leeditibige me iwi niḡica ane loenatagi. Nigele niḡica aneo, enice yakadi me ninitibece leegodi loenatagi, idiḡida aleegodi daga diniciaceeketege eledi oko, oditaga yakadi meneḡegi ele. ⁵ Igaataga oninitecibeci oko leeditibige meo niḡica Aneotedoḡoji ane iḡete meo.

⁶ Niḡijo ane diniḡaxitece niḡaxinananeḡeco anoditece ḡotiwaḡatakananeḡegi, leeditibige niḡijo oko me niwaiḡawatece icoa ane nepilidi niḡijo niḡaxinogodi.

⁷ Jinaḡa adininaalenitiwaji! Aḡica ane yakadi me yame Aneotedoḡoji. Niḡina oko icota me nopilaḡaditio niḡica aneyatini. ⁸ Odaa jiḡidaaḡee nige jaḡa niḡica anepaa yemaa ḡodolaadi, idioka limedi me ḡodeleo, codaa leegitalo Aneotedoḡoji me jotonaḡatedice. Pida nige jaḡa ane yemaa Aneotedoḡoji Liwigo, odaa idioka limedi me ḡodewiḡa miniwataḡa Aneotedoḡoji. ⁹ Enice jinaga inigaaxaga me jaḡa anele. Igaataga nigicota limedi, odaa ja inopilaḡataḡatio anele leegodi niḡijo anejanagaḡatini. ¹⁰ Enice niḡina me jakataga me jaḡa niḡica anele, leeditibige me jaḡa aneletema inatawece oko, pida odoejedipi me jaḡatema niḡina oko ane loiḡi Goniotaḡodi.

Paulo yecoaditibige codaa me najoitiniwace ḡonioxoadipi

¹¹ Jaḡanatitetiwaji niḡinoa idiko nelecoli ane emaga jidi niḡina natigide me jikee neḡemaga jidi naḡadi iwakate notagaḡaxi. ¹² Niḡijo ane lemaanigi me dinikeenagaḡege codaa me diniweniḡide leegodi me dinakagiditibigiwaji ane lakatigi judeutedi, joaniḡidiaa domaḡa etiḡadiedegenitiwaji madinakagiti digo mijotaḡa. Dinakagiditibigiwaji idokowotibige niḡinoa eletidi judeutedi me daḡadiaaḡoiatetibece leegodi ḡodatematigo anoditece lemeḡegi Cristo madataga nicenagaḡate. ¹³ Igaataga niḡidi ane dinakagiditibigiwaji ane lakatigi

judeutedi, idiaagidi niḡidi oko aḡidioka limedi moyotete lajoinaganegeco Moisés. Pida oyemaa madinakagititiwaji owotibige moyakadi me dinabaketibece makaamieledi adi nibikotaxete ḡadolaadi. ¹⁴ Pida emeḡee baḡa idinanetibece leegodi lemeḡegi Goniotaḡodi Jesus Cristo madataḡa nicanaganagate. Leegodi lemeḡegi, oada micataḡa daḡa yemaḡawa madataḡa nicanaganagate, oada jiḡidaa naḡa inoatawece aninoa digoina iḡo aḡaleegica jaote, codaa aḡaleegowo me joḡowikomata. ¹⁵ Iḡataḡa niḡina me ḡodexogotege Jesus Cristo, aibeyacaḡadi niḡina ḡoneleegiwa domige dinakagidi ane lakatigi judeutedi, oḡoa, domige adinakagidi. Pida aneneḡegi ida ane jaoga, Niḡina Aneotedoḡoji meote oko me gela oko, mida gela lewiḡa. ¹⁶ Jemaa Aneotedoḡoji meote mele laalegenali, codaa me iwikode, inatawece niḡina anodioteci niḡinoa niḡaxinaganegeco anele, codaa minatawece judeutedi anonakato Goniotaḡodi, oada beḡewi me loiḡi Israel.

¹⁷ Niḡina natigide aḡaleegica ane idigiwogo, iḡataḡa inoa inepitaḡajetedi nolee yolaadi leegodi niḡijoa yawikodico ane ikee me ee nebi Goniotaḡodi Jesus.

¹⁸ Akaami inioxoadipi, inibeotege Goniotaḡodi Jesus Cristo meote inoatawece aneletaḡadomitiwaji. Oada jiḡidaaḡee. (Amém).

Gela Liwai Lotaganaḡaxi Aneotedoḡoji **New Testament in Kadiwéu (BR:kbc:Kadiwéu)**

copyright © 2012 Wycliffe Bible Translators, Inc.

Language: Kadiwéu

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kadiwéu

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 11 Nov 2022 from source files
dated 29 Jan 2022
7128a549-e957-5460-8c56-0f5281edf264